

---

261. **Pleurothallis abbreviata** Schltr., nov. spec.

Epiphytica, perpusilla, 1,5—2,5 cm alta, caespitosa; rhizomate valde abbreviato; radicibus filiformibus, elongatis, flexuosis, glabris; caulibus valde abbreviatis, subnullis, vagina hyalina brevi absconditis; folio erecto, obovato-spathulato, obtuso, apice minute exciso cum apiculo, basi in petiolum brevem sensim attenuato, glabro, petiolo incluso 0,5—1 cm longo, lamina supra medium 2—3,5 mm lata; racemo dense plurifloro, sensim evoluto, pedunculo setiformi, folia duplo vel subduplo superante; bracteis ovato-cucullatis, breviter acuminatis, pedicello brevi fere aequilongis; floribus in genere inter minores, ut videtur vulgo patulis, atropurpureis; sepalo intermedio ovato, subacuto, glabro, 2,75 mm longo, lateralibus usque infra apicem in laminam late ovalem breviter bifidam glabram extus nervis 2 incrassatis ornatam connatis, intermedio aequilongis; petalis falcatis, oblongo-spathulatis, apice cuspidatis, 2,5 mm longis, glabris; labello linguiformi, basi angustiore marginibus incurvis, apice breviter bilobulato, 0,2 cm longo, ima basi utrinque dente retrorso auriculiformi

minuto aucto, carinis 2 obtusis infra apicem evanidis e basi usque infra apicem decurrentibus; columna brevi, glabra, clinandrio humili, pede subnullo; ovario cylindrico, glabro, cum pedicello brevi, c. 1,5 mm longo.

Guatemala: Epiphytisch bei Coban, c. 4400 Fuss ü. d. M. — H. v. Türckheim no. 10, blühend im November 1877.

Eine sehr kleine unscheinbare Art mit kurzen dunkelroten Blüten aus der Gruppe der *Apodae caespitosae*. Sie wird wohl am besten neben *P. microtatantha* Schltr. untergebracht, hat aber stets nur eine entfaltete Blüte.